

NAQQIUT

Inatsisisatut siunnersuut 31.08. 2009-meersoq taarserpaa

(Taamaallaat Namminersorlutik Oqartussanut ikaarsaariarnermut tunngatillugu taaguuuit allannguiteqarput)

Uunga siunnersuut: Aalisarnermut aningaasaliissutinut immikkoortitat pillugit Inatsisartut inatsisaata allanngortinneqarnera pillugu Inatsisartut inatsisaat
 (Angallatinik pisoqqanik sequtserinissamut tapiisarnermik atuutilersitsineq aamma angallatinik nutarterinermi tapiissutinik qaffaaneq)

§ 1.

Aalisarnermut aningaasaliissutinut immikkoortitat pillugit Inatsisartut inatsisaat nr. 15, 20. november 2006-imeersumi imatut allannguisoqarpoq:

1. § 1, imm. 1 imatut oqaasertaliorneqassaaq:

“Inatsisip siunertaa tassaavoq aalisarnermik inuussutissarsiortut ineriarornerinut siuarsarnerinullu tapiissuteqarnissaq, ilanngullugu inuussutissarsiummi peqataasunut nutaanut isersinnaanerup ajornannginnerulernissaa. Inatsimmi aamma siunertaavoq sinerissamut qanittumi aalisarnermi aaqqissugaanikkut naleqqussaanermut atatillugu akuersissutit peer-neqarnerisigut angallatit isaternissaannut tapiissutit atulersinnerisigut maannakkut siunissamilu pisaqarnissamut periarfissanut aalisariutit angissusaasa naleqqussarnissaat.”

2. Nutaatut § 1, imm. 2 ikkunneqassaaq:

“Imm. 2. Inatsit aalisarnermik inuussutissarsiorterup inuiaqtigiinni sapinngisamik annertunerpaamik iluanaaruteqarnissaanut peqataassaaq ilanngullugu aalisarnermi naammassisqaqsinnaassuseq, unammillersinnaassuseq aamma aalisakkanik pisuussutinik aalisar-sinnaassutsip ingerlaavartumik naleqqussarsinnaanera pitsaanerulersillugu kiisalu Kalaallit Nunaanni aalisarnermut iluaqtaasumik nutarsaanerit siuarsarlugit.”

3. Tamatuma kingorna § 1, imm. 2 § 1, imm. 3-ngorpoq.

4. § 7, imm. 1 nr. 2) nr. 3-tullu nutaatut ikkussaaq) imatut oqaasertaliorneqassaaq:

”2) Raajat saniatigut aalisarnerni allani pisinermi nalingata tamarmiusup 40%-ia tikillugu.

“3) Piginnittut 20 %-imik tapiiffigineqarlutik angallatinik pisisimasut suli allanik 20 %-inik tapiiffigitinnissamut qinnuteqarsinnaapput. Suli allanik 20 %-inik tapiissutinik qaffaneq atortussanik pisinermi atuutinngilaq.”

5. § 9-mi imm. 3 nutaatut ikkunneqassaaq:

“Imm. 3. § 7, imm. 1, nr. 2 malillugu suli allanik tapiissuteqarnermi 10 %-imik nammineq aningaasaliissuteqarnissaq piumasaqaatigineqassaaq.”

6. Kapitali 6 tamatuma kingorna kapitali 7-ingorpoq aamma kapitali 7 kapitali 8-ngorpoq.

7. § 14 tamatuma kingorna § 18-ngorpoq, § 15 § 19-ngorpoq aamma § 16 § 20-ngorpoq.

8. Kapitali 6-imni qulequtaq nutaaq ikkunneqassaaq:

“Aalisarnermi aalisariutinik isaterinissamut tapiissutit pillugit aalajangersakkat.”

9. ”Nutaatut § 14-itut ikkunneqassaaq:

”**§ 14.** Sinerissamut qanittumi aalisarnermi aalisariutinik isaterinermut Naalakkersuisut tapiissuteqarsinnaapput, siunertamut pineqartumut ukiumut aalajangikkamut aningaasanut inatsimmi immikkoortinnejarsimasut sinaakkuserneqarnerisa iluannit.

Imm. 2. Tapiissutit tunniunneqarsinnaapput angallat

- 1) umiarsuarnik nalunaarsuiffiu aalisariutit pillugit nalunaarsuutaani imaluunniit Angallatit nalunaarsorneranni ilaassaaq, aammal Aalisarnermut, Piniarnermut Nunalerinermullu Aqutsisoqarfip inuussutissarsiutigalugu aalisarnermik ingerlatsinissamut akuersissutetut angallatit pillugit nalunaarsuiffiani nalunaarsorsimassalluni,
- 2) taassuma uuttuutaa malillugu 5 BRT imaluunniit 8 BT qaangerlugu usitussuseqassaaq aamma 75 BRT imaluunniit 120 BT inorlugit usitussuseqassalluni,
- 3) ukiunik 25-nik taakkuluunniit sinnerlugit pisoqaassuseqassaaq,
- 4) ukiuni kingullerni marlunni aalisarsinnaanermut akuersissutigineqartut pissarsiat anni-kinnerpaamik 50 %-ii aalisarsimassavai, aamma
- 5) qinnuteqaatip tunniunneqarnerani ingerlanissaminut piareersimassaaq.

Imm. 3. Qinnuteqaatip tunniunneqarneranut piffissaq aamma qinnuteqartut arlallit tamarmilluunniit isaterinissamut tapiissutisinnissamut piumasaqaatinik naammassinnikkaluarpatluunniit § 17, imm. 1-imti taaneqartup aalajangersimasumik naliliineq aallaavigalugu tapiissuteqarnissamut aningaasat qaqugukkulluunniit uninngasuutigineqartut eqqarsaatigalugit aamma isaterineq tapiissuteqarnissamullu naleqqussuseq aallaavigalugu qinnuteqartut ataatsimiitaliap tulleriaarsinnaavai.

Imm. 4. Imm. 3-mi taaneqartoq pingaarnersiuineq makkut tunngavigalugit piumasaqaatigineqassapput:

- 1) angallatip pisoqaassusia usitussusialu
- 2) siusinnerusukkut pisassiissutinit aalisarnermit pisaqarsimanerit
- 3) angallatit amerlassusaat imaluunniit sumiiffinni aalisarsinnaanermut akuersissutit, imaluunniit
- 4) Aalisarnermi naammassisat aalisakkat suussusaanut agguataarlugit”.

10. Nutaatut § 15-itut ikkunneqassaaq:

”**§ 15.** Tapiissutit annertussusissaat aningaasatut tunngaviusussatut aamma angallatip BRT-imut imaluunniit BT-mut ataatsimut usitussusianut aningaasat aalajangersimasut Naalakkersuisunit aalajangersarneqartut aallaavigalugit naatsorsorneqassapput. Ukiut tamaasa tapiissutit annertussusaat 5%-imik ikilisinnejassapput angallatip pisoqaassusaa minnerpaamik ukiunik 25-nit pisoqaaneruppat.

Imm. 2. Isaterinissamut tapiissutit annerpaamik sillimmasiinerup nalingata 75 %-iata nalinganut annertussuseqarsinnaapput, sakkutit ilanngunnagit.

Imm. 3. Sillimmasiinermi aningaasat, isaterinissamut qinnuteqarnermiit ukioq ataaseq si-oqqullugu angallammi imaluunniit motorimi ajoquserneq pissutigalugu tunniunneqarsimasut tapiissutit tunniunnerini ilanngaatigineqassapput, sillimmasiinermi aningaasat angallatip iluarsarneranut atorneqarsimanngippata. Aammattaaq sillimmasiinermi aningaasat qinnuteqareernerup kingorna ajoquserneq pissutigalugu tunniunneqartut, kisiannili tapiissutit tunniunneqarnissaat sioqquillugu tunniunneqartut, ilanngaatigineqassapput.”

11. Nutaatut § 16-itut ikkunneqassaaq:

”**§ 16.** Tapiissutit akilernerini angallat piviusumik isaterneqassaaq.

Imm. 2. Isaterinissamut tapiissutit tunniunneqarnerini aalisarsinnaanermut akuersissut aamma inuussutissarsiutigalugu aalisarnernut akuersissutit tamarmik atorunnaassapput.

Angallat umiarsuit nalunaarsuiffiannit, aalisariutit pillugit nalunaarsuiffimmit, imaluunniit Angallatit nalunaarsuiffiannit, aamma Aalisarnermut, Piniarnermut Nunalerinermullu Aqutsisoqarfipu inuussutissarsiuutigalugu aalisarnermik ingerlatsinissamut akuersissuteqartutut angallatit pillugit nalunaarsuiffianit peerneqassaaq.”

12. Nutaatut § 17-itut ikkunneqassaaq:

”§ 17. Isaterinissamut tapiiffigitinnissamut qinnuteqaatit suliami aalajangiisussamit ataatsimiititaliamit Naalakkersuisunit pilersinneqartumit inaarutaasumik allaffissornikkut suliarineqassapput.

Imm. 2. Naalakkersuisut toqqassavaat ataatsimiititaliamut ilaasortat tallimaasut, tassunga ilanngullugu siulittaasoq. Ilaasortat sisamat, taakkunangna KNAPK-mit marluk, Kalaallit Nunaanni Sulisitsisut Kattuffianiit ataaseq imaluunniit kattuffimmit assigisaanit kiisalu Aalisarnermut, Piniarnermut Nunalerinermullu Naalakkersuisoqarfimmiit ataaseq, inassuteqarnikkut toqqarneqassapput. Ataatsimiititaliaq allatoqarnikkut Naalakkersuisunit sullineqassaaq. Ataatsimiititaliap suleriaasissani suliarissavaa, taannali Naalakkersuisunit akueringeqassaaq.

Imm. 3. Isaterinissamut tapiissutit pillugit §§ 14, 15 aamma 16-im i malittarisassat tunngavigalugit Naalakkersuisut malittarisassanik erseqqarinnerusunik aalajangersaassapput, tassunga ilanngullugu qinnuteqaatit, tapiissuteqarnissamut piumasaqaatit, tapiissutinik naatsorsuineq, annertussusiliineq aammalu tapiissutinik tunniussineq, paasissutissat nakutillinerlu pillugit aammalu tapiissutit il.il. atorunnaarsinneqarsinnaaneri utertillugillu akilerneqarsinnaaneri pillugit.

Imm. 4. Isaterinissamut tapiissutit utertinnissaat pillugit aalajangersakkanut § 12, nr. 1 aamma 4-mi aalajangersakkat atuupput.”

13. § 19, *imm.* 1 nr. 2 imatut oqaasertaliorneqassapput:

”2) Pisortanut eqqortuunngitsunik paasissutissiineq, takuuk §§ 4 aamma 14.”

14. § 19, *imm.* 1 nr. 3 imatut oqaasertaliorneqassapput:

”§§ 11 aamma 16 naapertorlugit maleruagassatut aalajangerneqartuni piumasarineqartunut naammassinnginninneq.”

15. Inatsimmi tamani oqaaseq “Landsstyret” allanngortinnejassaaq “Naalakkersuisut”-nut.

16. Inatsimmi tamani “Namminersornerullutik Oqartussat” allanngortinnejassaaq “Namminersorlutik Oqartussat”-nut.

§ 2.

Inatsisartut inatsisaat ulloq 1. januar 2010-mi atuutilissaaq.

Namminersorlutik Oqartussat, ulloq xx. yyyy 2009

Kuupik Kleist

/

Ane

Hansen